

PWYLLGOR:	PWYLLGOR TRWYDDEDU CANOLOG
DYDDIAD:	23 MEHEFIN 2014
TEITL:	CEISIADAU TRWYDDED EIDDO ANNILYS
PWRPAS:	ER GWYBODAETH
AWDUR:	PENNAETH YR ADRAN RHEOLEIDDIO

CEFNDIR

Cyflwynir yr adroddiad hwn i'r Pwyllgor er gwybodaeth. Mae'r adain Drwyddedu wedi derbyn sawl cais am drwydded eiddo, neu gais am amrywiad o drwydded eiddo yn ddiweddar sydd wedi gorfod cael eu gwrthod fel ceisiadau annilys gan y swyddogion oherwydd nad ydynt wedi eu cyflwyno yn unol â gofynion y Ddeddf Drwyddedu a'r rheoliadau perthnasol.

GOFYNION Y DDEDDFWRIAETH A'R RHEOLIADAU PERTHNASOL

Mae'r Ddeddf Drwyddedu 2003, a'r rheoliadau perthnasol - Y Ddeddf Drwyddedu 2003 (Trwyddedau eiddo a thystysgrifau eiddo clwb) Rheoliadau 2005 (SI 2005/42 fel y diwygiwyd yn gosod allan yn glir beth yw'r gofynion a disgwyliadau gan ymgeiswyr wrth gyflwyno cais am drwydded eiddo, neu i amrywio trwydded eiddo. Mae'r ffurflenni cais a ddefnyddir i gyflwyno cais yn cynnwys y wybodaeth mae ymgeisydd angen er mwyn sicrhau fod y cais yn cael ei gyflwyno a'i hysbysebu yn unol â'r gofynion.

Pan mae cais yn cael ei gyflwyno mae'n rhaid sicrhau fod y camau canlynol yn cael eu dilyn –

1. Cais i gael ei gyflwyno ar ffurflen briodol
2. Cais i gynnwys cynllun o'r ardal drwyddedig arfaethedig
3. Derbyn y ffi perthnasol gyda'r cais
4. Cais i gynnwys copi o'r drwydded gyfredol (neu'r rhan perthnasol o'r drwydded honno) os nad oes rheswm da na ellir gwneud hynny
5. Sicrhau fod pob Awdurdod Cyfrifol yn derbyn copi o'r cais ynghyd a'r dogfennau perthnasol ar y diwrnod y rhoddir y cais i'r awdurdod trwyddedu perthnasol.

Mae'r Rheoliadau perthnasol - Y Ddeddf Drwyddedu 2003 (Trwyddedau eiddo a thystysgrifau eiddo clwb) Rheoliadau 2005 (SI 2005/420) fel y diwygiwyd hefyd yn gosod gofynion pendant ar ymgeiswyr am drwydded mewn perthynas â'r modd y hysbysir ceisiadau. Yn benodol mae'r gofynion hyn yn cynnwys yr angen i -

- Arddangos rhybudd o'r cais am 28 diwrnod yn olynol yn cychwyn ar y diwrnod ar ôl y diwrnod y rhoddir y cais i'r Awdurdod Trwyddedu
- Mae'n rhaid i'r rhybudd fod gymaint â maint A4 neu fwy
- Lliw glas golau
- Print du, maint ffont o leiaf 16
- Arddangos y rhybudd mewn lle amlwg a hwylus i gael ei ddarllen o du allan i'r eiddo
- Cyhoeddi hysbyseb o'r cais mewn papur lleol sydd gyda chylchrediad yng nghyffiniau'r eiddo o leiaf un waith yn ystod cyfnod o 10 diwrnod yn cychwyn y diwrnod ar ôl y diwrnod y rhoddwyd y cais i'r Awdurdod Trwyddedu

Ymhellach i hyn, fe fanylir ar y wybodaeth a ddylid ei gynnwys ar y rhybudd o gais yn y rheoliadau –

- Dylid cynnwys datganiad o'r gweithgareddau trwyddedig perthnasol arfaethedig,
- Enw'r ymgeisydd
- Cyfeiriad post yr eiddo

- Cyfeiriad post ac os yn berthnasol cyfeiriad gwefan y r Awdurdod Trwyddedu lle y cedwir y gofrestr a lle a phryd y gellir gwirio'r cais
- Dyddiad erbyn pryd y dylid gwneud sylwadau ar y cais i'r Awdurdod Trwyddedu
- Fod rhaid i unrhyw sylwadau a wneir ar gais fod yn ysgrifenedig
- Fod yn drosedd i wneud datganiad ffug neu ddi -hid mewn perthynas â'r cais a'r uchafswm y gosb am wneud datganiad o'r fath

Oblygiadau cyflwyno cais annilys

Mae goblygiadau cyflwyno cais annilys yn gallu achosi rhwystredigaeth a chostau ychwanegol i ymgeisydd oherwydd bod rhaid ail gyflwyno cais ynghyd a chyfnod ymgynghori newydd. Yn anffodus, nid yw'r ddeddfwriaeth yn darparu unrhyw fodd o allu ad-dalu ffi am gais am drwydded yn ôl i'r ymgeisydd; ac mae disgwyl i'r ymgeisydd dalu ffi arall os ail gyflwynir y cais.

Pan mae cais yn cael ei gyflwyno yn annilys; mae'r Awdurdod Trwyddedu yn parhau i wynebu costau o brosesu y cais hwnnw. Yn ogystal â hyn, mae'n debygol y bydd yr ymgeisydd yn gorfod talu am ail hysbysebu ei gais mewn papur lleol, yn unol â'r gofynion.

Mae swyddogion yr Uned Drwyddedu yn ymdrechu ar bob achlysur i roi cyngor i ymgeiswyr i sicrhau eu bod yn cyflwyno eu cais mewn modd priodol. Mae gwybodaeth gynhwysfawr ar gael hefyd ar wefan y Swyddfa Gartref ar sut i gyflwyno cais yn gywir. Gall ymgeisydd benodi cyfreithiwr neu asiant sydd yn arbenigo yn y maes trwyddedu i baratoi a chyflwyno cais ar eu rhan os ydynt yn dymuno.

Sefyllfa gyfreithiol

Fe fyddwch fel aelodau'n ymwybodol fod ceisiadau wedi dod gerbron Is Bwyllgor o'r Pwyllgor hwn am wrandawriad; a bod tystiolaeth wedi ei dod i law nad oedd ceisiadau wedi eu cyflwyno'n unol a gofynion y ddeddfwriaeth a'r rheoliadau perthnasol. Yn yr achosion hyn, fe ddatganodd y swyddog cyfreithiol yn glir nad oes gan swyddogion na'r Is Bwyllgor yr awdurdod cyfreithiol i wneud penderfyniadau ar geisiadau annilys.

Mewn ymateb i hyn, mae mesurau wedi eu rhoi mewn lle i dynhau'r broses o graffu bob cais a dderbynnir er mwyn ceisio sicrhau na fydd ceisiadau annilys yn cael eu cyfeirio at yr Is Bwyllgor am benderfyniad.

Argymhelliad

Gofynnir am gefnogaeth y Pwyllgor i swyddogion yr Awdurdod Trwyddedu weithredu gyda'r nod o sicrhau nad ydyw ceisiadau annilys yn cael eu cyflwyno.